

նադրեցան եպիսկոպոս յնշիրեմ Կաթողիկոսէ : Այլ Ար-
րահամ Պատրիարք և Փոխանորդ Պօղոս եպիսկոպոս խոր-
հրդով ազգին գրեցին առ Կաթողիկոսն , պահել զԴիրնէ-
սիոս եպիսկոպոս անդ յէջմիածին 'ի խնամն իւր , մինչեւ
կազմեցի ժողով 'ի Կոստանդինուպօլիս վասն օգտի Աթո-
ռոյն Երուսաղէմի , և ասպա սահմանեցի զնալ նորա յԵ-
րուսաղէմ . իսկ Սիմէոն և Կարապետ եպիսկոպոսունք մեկ-
նեցան անտի (յԾ Սեպտեմբերի) և հասեալ 'ի Կարին դէմ
եդին գնալ ուղղակի յԵրուսաղէմ . լուեալ զայս Պօղոսի
դրեաց 'ի Բերիա , 'ի հասանիլ գրոյն առանց զայլ և այլա
խորհելոյ դարձուսցեն զընթացս իւրեանց 'ի Կոստանդի-
նուպօլիս , և մի բամբասեցին իբրեւ զանհնազանդս , ա-
պա թէ ոչ՝ բռնադատին զալ յԵրուսաղէմ : Գարրիէլ Ե-
պիսկոպոս յանձն արարեալ զպաշտօն Նուիրակութեան
Զմիւռնիոյ Յակոբ վարդապետի՝ զնաց յԵրուսաղէմ վարել
զպաշտօն Փոխանորդութեան . զի նախորդ նորին Ստե-
փաննոս եպիսկոպոս Եւդոկիացի , Այս կոչեցեալ վախճա-
նեալ էր 1815 . 'ի 19 Մայիսի : Մկրտիչ եպիսկոպոս մեղ-
րիկ ոչ կամեցաւ մեկնիլ 'ի Տփլիսէ եւ երթալ 'ի Կոչն ,
պատճառելով զգործ Նուիրակութեան իւրոյ . և յԵրուսա-
ղէմ Մարկոս և Յարութիւն եպիսկոպոսունք ոչ կամեցան
գնալ . և կամ Թէոդորոս Պատրիարք ոչ եթող զնոսա , այլ
առաքեցին միայն զԹարգման Աւետիսն . և նորա հասեալ
անդ անկաւ 'ի մահիճս ծանր հիւանդութեամբ , եւ չգը-
տեալ դարման 'ի բժշկաց՝ վախճանեցաւ :

Պօղոս եպիսկոպոս ընկալեալ զտուժար սարաուց Աթո-
ռոյն զոր բերեալ էր թարգմանն , խնդրէր նաեւ զտուժար
եկամտից և եկեղեցական զարդուց , ցուցանել ազգին 'ի
դէպ ժամանակի , և զայրանայր 'ի վերայ այնոցիկ որք ար-
համարհեցին զհրաւէր նորին և ոչ կամեցան գնալ 'ի քա-
ղաք անդր , որոց վասն ստիպմամբ և բազում յորդորանօք
և երբեմն եւս սպառնալեօք գրեաց երկար առ Թէոդորոս
փութանակի առաքել զնոսա առ 'ի տնօրինել նոքօք զօ-
գուտ Աթոռոյն : Յայսպիսի ծանրատաղտուկ գործս և 'ի
խնդիրս ընկեցին 'ի Պատրիարքութենէ զԱրահամ եպիս-
կոպոս Մէլիքեան , և 'ի տեղի նորա ընտրեցին զՓոխանոր-
դըն Երուսաղէմի զԱդրիանուպօլսեցի Պօղոս Արք եպիսկո-